

177 28. sept. Nú nemur upphæð sú, sem veita má úr sjóðnum samkv. 1. málsg. þessarar greinar, meiru en því, sem heimilt er mest að veita samkv. næstu grein hér á undan, og getur þá nefnd sú við Kielar-háskóla, sem getið er um í gr. 4, veitt mismuninn til styrktar rannsóknum á íslenskum málefnum, sérstaklega þó í germanskri réttarsögu.

Nú er slíkur afgangur ekki veittur í styrk í eitt ár eða fleiri, og má þá veita samanlagðan mismun frá tveim eða fleiri árum síðar í slíku augnamiði.

6. gr.

Formaður stjórnar Stúdentagarðsins og stjórn félagsins „Germania“ í Reykjavík hafa sameiginlega umsjón með sjóðnum.

7. gr.

Sjóðurinn skal vera undir opinberu eftirliti og reikningar hans birtir með reikningum fyrir sjóði Háskóla Íslands.

8. gr.

Leita skal staðfestingar á skipulagsskrá þessari.

178
9. okt.

REGLUGERÐ

fyrir Vatnsveitu Húsavíkur.

1. gr.

Vatnsveita Húsavíkur er fyrirtæki, sem Húsavíkurkaupstaður er eigandi að og rekur í þeim tilgangi að fullnægja vatnsþörf heimila og fyrirtækja í Húsavíkurkaupstað eftir því sem við verður komið og nánar er fram tekið í reglugerð þessari.

Vatnsveitan skal rekin sem sjálfstætt fyrirtæki með nafninu Vatnsveita Húsavíkur.

2. gr.

Vatnsveita Húsavíkur hefur einkarétt til sölu vatns í Húsavíkurkaupstað.

3. gr.

Bæjarstjórn Húsavíkur hefur æðsta vald í málefnum vatnsveitunnar. Öll framkvæmdastörf er vatnsveituna varða, felur bæjarstjórnin vatnsveitunefnd, sem skipuð er þremur aðalmönnum og þremur til vara kosnum af bæjarstjórn til eins árs í senn. Heimilt er vatnsveitunefnd í samráði við bæjarstjórn að ráða sérstakan umsjónarmann fyrir vatnsveituna, er hafi eftirlit með veitukerfinu og annist önnur þau störf í þágu vatnsveitunnar, sem henta þykir.

4. gr.

Frá vatnsæðum vatnsveitunnar má enginn leggja vatnsæðar, nema með leyfi vatnsveitunefndar og bæjarstjórnar. Enginn má heldur leggja vatnsæðar, nema undir umsjón manns, sem vatnsveitunefnd og bæjarstjórn hafa kjörið til slíkrar umsjónar.

Hverjum húseiganda ber að greiða allan kostnað við lagningu vatnsæða úr götulögnum í hús sín og annast viðhald þeirra. Gildir viðhaldsákvæðið jafnt um gamlar lagnir sem nýjar. Eigendur þeirra húsa, sem nú þegar eru komin í samband við vatnsveituna, skulu kosta viðhald heimæða, allt að 30 metrum frá húsi. Skyld er hverjum húseiganda að láta tafarlaust gera við vatnsæðar sínar, ef leki kemur

að þeim. Enginn má eyða vatni að óþörfu. Enginn má setja aflvélar í samband við vatnsveituna, nema með leyfi vatnsveitunefndar. 178

9. okt.

Engum er heimilt, án leyfis vatnsveitunefndar, að taka vatn úr brunahönum vatnsveitunnar.

5. gr.

Umsjónarmaður vatnsveitunnar hefur eftirlit með öllu, sem vatnsveitunni við kemur og er öllum neytendum skylt að fara að fyrirmælum hans um efni, lagningu og viðhald vatnsæða sinna og annað það, er lýtur að vatnslögnum í og við hús þeirra.

6. gr.

Umsjónarmanni vatnsveitunnar er heimilt að loka vatnsæðum fyrir þeim, sem eftir ítrekaða áminningu eyða vatni að óþörfu, nota það svo óþrifum eða óþægindum valdi, eða vanrækja að annast viðhald á pípum og tækjum, sem við þær eru tengd.

Heimilt er umsjónarmanni vatnsveitunnar að fara um hús og lóðir vatnsnotenda til að athuga vatnslagnir og gera þær ráðstafanir í þágu vatnsveitunnar, sem hann telur nauðsynlegar.

7. gr.

Bæjarstjórn getur fyrirskipað takmörkun á vatnsnotkun og jafnvel lokað fyrir vatn ákveðinn tíma í vissum hlutum vatnsveitukerfisins til að tryggja fyrirtækjum, sem ekki geta án vatns verið, nægilegt vatn, og til að tryggja neytendum, sem annars kynnu að verða útundan, vatn vissa tíma. Ætíð skulu slíkar aðgerðir auglýstar með svo rúmum fyrirvara, sem við verður komið.

Loka má fyrir vatn meðan hreinsun eða viðgerð fer fram á geymum eða æðum vatnsveitunnar, enda skal slíkt tilkynnt fyrirfram, ef þess er kostur.

8. gr.

Af öllum húsum á vatnsveitusvæðinu, sem virt eru til fasteignamats og vatni er veitt í, eða úr næst til vatnsæða, skal greiða vatnsskatt, sem nemur 20% — tuttugu af þúsundi — fasteignamatsverðs árlega. Þó skal lágmark skattsins vera kr. 50.00 fyrir hvert íbúðarhús. Ef um er að ræða hús, sem að dómi bæjarstjórnar og vatnsveitunefndar nota vatn til annars en venjulegra heimilisparfa, vegna atvinnu, sem í þeim er rekin og útheimtir mikið vatn, skal greiða vatnsskatt 20—30% — tuttugu til þrjátíu af þúsundi — fasteignamatsverðs eftir ákvörðun vatnsveitunefndar og bæjarstjórnar. Gjald skal einnig greiða af föstum vélum, sem í húsum eru og ekki eru heimilisvélar. Skal það gjald ákveðið með samningum við hlutaðeigendur.

9. gr.

Fyrir önnur vatnsnot skal greiða sem hér segir:

a.	Fyrir vatn í steypu, af hverri notaðri sementstunnu	kr.	0.50
b.	— þvott á bifreiðum, árlega fyrir bifreið	—	30.00
c.	— hvern nautgrip, sem inni stendur, árgjald	—	30.00
d.	— hvert hross, sem inni stendur, árgjald	—	20.00
e.	— vatnshana í fjárhúsum, ár hvert	—	20.00
f.	— hverja smálest af innveginni mjólk í mjólkurstöð	—	3.00
g.	— hvern kjötskrokk í sláturhúsi	—	0.12
h.	— hverja tunnu kverkaðrar sildar eða matjessildar	—	0.30
i.	— hverja tunnu sérverkaðrar sildar (hausskorinnar)	—	0.60
j.	— hverja tunnu flakaðrar sildar	—	1.50
k.	— hver 100 kg af söltuðum, ísuðum eða frystum fiski	—	0.20
l.	— hverja tunnu af söltuðum, flökuðum fiski	—	0.40

178 m.	Fyrir saltfiskþvott, hvert tonn af fiski	kr. 0.50
9. okt. n.	— fiskþvott á bryggju, hvert tonn (miðað við slægðan fisk, en með haus)	— 0.25

Fyrir vatn til skipa er gjald kr. 30.00 fyrir hverja smálest eða hluta úr smálest. Ef um vatnskaup í stórum stíl er að ræða, er bæjarstjóra heimilt að veita afslátt, þó aldrei meira en 50%.

Skip, sem vatnsveitan hefur afhent vatn, má ekki, að viðlögðum sektum, fara af höfninni fyrr en vatnið er greitt, nema gjaldfrestur hafi verið veittur.

Fyrir önnur vatnsnot, en hér hafa nefnd verið, skal greiða eftir samkomulagi við bæjarstjórn.

10. gr.

Þar, sem vatnsnot eru mikil, er vatnsveitunefnd og bæjarstjórn heimilt að krefjast greiðslu samkvæmt vatnsmælum. Fer þá um greiðslu fyrir vatn eftir samkomulagi milli yfirvalda vatnsveitunnar og viðkomandi notenda.

11. gr.

Bæjarstjórn er heimilt að breyta vatnsgjöldum samkvæmt reglugerð þessari um allt að 50% til hækkunar eða lækkunar, bæði í heild og einstökum liðum, fyrir eitt ár í senn.

12. gr.

Gjalddagi á vatnsskatti húseigenda og persónuvatnsskatti skal vera 1. júní ár hvert, en á vatni til atvinnurekstrar við lok hvers mánaðar. Vatnsskatt af húsum má taka lögtaki og má gera lögtak í hinu skattskylda húsi án tillits til eigendaskipta. Skatturinn nýtur lögveðréttar í húseigninni næstu tvö ár eftir gjalddaga með forgöngurétti fyrir hvers konar sanningsveði og aðfararveði.

Reikningsár vatnsveitunnar er almanaksárið.

13. gr.

Skylt er manni að láta af hendi land sitt, landsafnot og mannvirki í þágu vatnsveitunnar og þola þær kvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef eigi næst samkomulag.

14. gr.

Þeir, sem óska að fá vatn úr vatnsæðum vatnsveitunnar til afnota um stundarsakir, skulu bera allan kostnað af bráðabirgðavatnslögnum í sambandi við slíka vatnsnotkun, nema öðruvísi sé um samið.

Heimilt er vatnsveitunefnd að loka fyrir vatnsæðar, sem eru þannig settar að hætta getur verið á, að í þeim frjósi vatn.

15. gr.

Brot gegn reglugerð þessari verða sektum allt að kr. 1000.00 nema þyngri refsing liggji við að lögum. Með mál út af brotum á reglugerð þessari skal farið sem almenn lögreglumál.

16. gr.

Með reglugerð þessari er úr gildi felld reglugerð fyrir vatnsveitu í Húsavíkurkaupþúni, nr. 32 16. marz 1927.

Reglugerð þessi, sem samin er og samþykkt af bæjarstjórn Húsavíkurkaup- 178
staðar, staðfestist hér með samkvæmt vatnalögum, nr. 15 20. júní 1923, sbr. lög 9. okt.
nr. 93 5. júní 1947, um aðstoð til vatnsveitna, til þess að öðlast gildi þegar í stað, og
birtist til eftirbreytni öllum þeim, er hlut eiga að máli.

Félagsmálaráðuneytið, 9. október 1951.

F. h. r.

Jónas Guðmundsson.

Hallgrímur Dalberg.

Staðfesting forsetans á skipulagsskrá fyrir „Minningarsjóð Sigríðar Lárettu 179
Pétursdóttur og Steinunnar Stefaníu Einarasdóttur“, útgefin á venjulegan hátt ad 10. okt.
mandatum af dómsmálaráðherra 10. okt. 1951.

Skipulagsskráin er þannig:

SKIPULAGSSKRÁ

Minningarsjóðs Sigríðar Lárettu Pétursdóttur og Steinunnar
Stefaníu Einarasdóttur.

1. gr.

Sjóðurinn er stofnaður með gjafabréfi Einars J. Pálssonar, trésmíðameistara í
Reykjavík, dags. 21. janúar 1927, til minningar um eiginkonu hans og dóttur. Stofn-
fé sjóðsins var kr. 1000.00. Var fjárhæð þessi ávöxtuð í Landsbanka Íslands, unz
hún hinn 29. maí 1947 nam kr. 2121.13, en þá var hún lögð í Söfnunarsjóð Íslands
til ávöxtunar, og nam hún hinn 1. marz 1951 kr. 2511.77.

2. gr.

Tilgangur sjóðsins er að styrkja fátæka sjúklinga í Landsspítala Íslands.

3. gr.

Sjóðinn skal ávaxta í Söfnunarsjóði Íslands eða öðrum tryggum stað. Fyrstu
100 árin frá stofnun sjóðsins, eða til ársins 2027, skal leggja alla vexti við höfuð-
stólinn. Næstu 100 ár má verja $\frac{1}{4}$ hluta árlegra vaxta samkvæmt tilgangi sjóðsins,
en eftir það helmingi vaxtanna í sama skyni.

4. gr.

Stjórn sjóðsins skipa landlæknir ásamt tveim öðrum, er ríkisstjórn Íslands
skipar, og sé annar lögfræðingur, en hinn einn af dómkirkjuprestum Reykjavíkur.

5. gr.

Reikningshald sjóðsins og skjöl annast í umboði sjóðstjórnarinnar skrifstofa
ríkisspítalanna eða sú stofnun, er kemur í hennar stað. Reikningsár sjóðsins er
almanaksárið, og skal birta reikningana í Stjórnartíðindum eða á öðrum viðeigandi
stað.

6. gr.

Leita skal staðfestingar forseta á skipulagsskrá þessari.